




АКАФИСТ
Пресвятой Богородице
в честь иконы Ея
“УМЯГЧЕНИЕ ЗЛЫХ СЕРДЕЦ”



АКАФИСТ
Пресвятой Богородице
в честь иконы Ея
“УМЯГЧЕНИЕ ЗЛЫХ СЕРДЕЦ”



Болгар



**Акафист
Пресвятой Богородице
в честь иконы Ея
«Умягчение злых сердец»**

Кондак 1

Избранной Деве Марии, превысшей всех дщерей земли, Матери Сына Божия, Еюже даётся спасение мира, со умилением взываем: воззри на многоскорбное житие наше, вспомяни скорби и болезни, ихже претерпела еси, яко наша земнородная, и сотвори с нами по милосердию Твоему, да зовём Ти: **Радуйся, многоскорбная Мати Божия, печаль нашу в радость претворяющая и сердца злых человек умягчающая.**

Икос 1

Ангел, возвестивый пастырем Вифлеемским о рождестве Спасителя мира, и с ним множество небесных сил восхвалиша Бога, поюще: «Слава в вышних Богу и на земли



мир, в челове́цах благоволе́ние». Ты же, Ма́ти Бо́жия, не имевшая где главу́ прекло́нити, зане́ не бе ме́ста во оби́телях, родила́ Сына Своего́ Пёрвенца в верте́пе и, повив́ Его́ пелена́ми, положи́ла в я́слех. Те́мже, ско́рбь се́рдца Твоего́ познава́я, вопи́ем Ти: Ра́дуйся, дыха́нием Свои́м Сы́на Своего́ возлю́бленнаго согре́вшая; ра́дуйся, предвече́ннаго Младенца́ пелена́ми повив́шая.

Ра́дуйся, Носи́теля вселенны́я млеко́м Свои́м пита́вшая; ра́дуйся, верте́п в не́бо обрати́вшая.

Ра́дуйся, престо́л херувимский соде́лавшаяся; ра́дуйся, в рождестве́ и по рождестве́ Де́вою пребы́вшая.

Ра́дуйся, многоско́рбная Ма́ти Бо́жия, печа́ль на́шу в ра́дость претворя́ющая и се́рдца́ злых челове́к умягча́ющая.

Кондак 2

Ви́дя Предвече́ннаго Младенца́ повита́, лежа́ща в я́слех, прише́дше поклони́тися Ему́ па́стыри Вифле́емстии глаго́лаша рече́нное им



ánгелы о Отрочáти. Мариáм же соблюdáше вся глагóлы сиа́ в сёрдце Своём. По прошéствии же осьми́ дней обрѣзан бе Иисúс по закóну Изра́илеву, я́ко человек осьмодне́вен. Воспевая смире́ние и терпе́ние Твое́, Богорóдице, поём вѣчному́ Бо́гу: **Аллилу́иа.**

Икос 2

Ра́зум имѣя в Бо́ге утверждённый и соблюда́яй закóн Господень, в четыредеса́тый день, егда́ испóлнилися дни очище́ния, вознесóша Иисúса в Иерусали́м родите́ли Его́, дабы поста́вить Его́ пред Го́сподом и да́ти за Него́ же́ртву по рече́нному в закóне Господнем; мы же вопи́ем Богорóдице си́це:

Ра́дуйся, Созда́теля вселénных во исполне́ние закóна в храм Иерусали́мский прине́сшая; ра́дуйся, та́мо ста́рцем Симео́ном ра́достно срѣтенная.

Ра́дуйся, еди́на чи́стая и преблагослове́нная в жена́х; ра́дуйся, крест Сво́й, скорб́ями преукраше́нный, во смире́нии несшая.

Ра́дуйся, во́лю Бо́жию николи́же преслу́-



шавшая; радуйся, образ терпѣнія и смиренія нам Собою явившая.

Радуйся, сосуде, исполненный благодати Духа Святаго; радуйся, рождающая Сына Единороднаго Отца Небеснаго.

Радуйся, многоскорбная Мати Божия, печаль нашу в радость претворяющая и сердца злых человек умягчающая.

Кондак 3

Силою свыше укрепляема была еси, Мати Божия, егда услышала еси словеса праведнаго старца Симеона: «Се, лежит Сей на падение и на востание многим во Израили и в знамение пререкаемо, и Тебе же самой душу пройдет оружие, яко да открыются от многих сердец помышления». Обаче скорбь вѣлия пронзи сердце Богородицы, и возопи в горести Богу: **Аллилуиа.**

Икос 3

Имя тщание погубити Отроча, посла Ирод избити вся дети, сущия в Вифлееме и предѣлах его, от двою лету и нижейше, по



вре́мени, е́же испыта́ от волхво́в. И се, по-
велéнием Бо́жиим, да́нным чрез А́нгела во
сне ста́рцу Ио́сифу, бежа́ все свято́е семе́й-
ство во Егíпет и пребы́сть та́мо до сме́рти
И́рода. Те́мже со умилéнием вопи́ем Ти, Бо-
горо́дице:

Ра́дуйся, всю тесноту́ стра́нствия понéс-
шая; ра́дуйся, я́ко все и́доли падо́ша в
странé Егíпетской, не возмо́гше терпéти
крéпости Сы́на Твоего́.


Ра́дуйся, с нечестíвыми язы́чники пре-
быва́вшая; ра́дуйся, из Егíпта с Пёрвен-
цем О́троком и Свои́м обру́чником в На-
зарéт пришéдшая.

Ра́дуйся, со ста́рцем Ио́сифом древодé-
лом в нищете́ жив́шая; ра́дуйся, все вре́-
мя Своё в труда́х проводíвшая.

Ра́дуйся, многоско́рбная Ма́ти Бо́жия, пе-
ча́ль на́шу в ра́дость претворя́ющая и серд-
ца́ злы́х челове́к умягча́ющая.

Кондак 4

Бу́ря ско́рби обдержá Пречíстую Ма́терь,
егда́ возвраща́ющимся има́ из Иерусали́ма,



не обретóша бо в путі́ О́трока Иисúса. Сего́ ра́ди возврати́стася, взыска́юще Его́, и бы́сть по три́ех днех обретóша Его́ в це́ркви, сидя́ща посреде́ учителéй, послу́шающа их и вопроша́юща. И рече́ к Немú Мати́ Его́: «Ча́до, что си́е сотвори́ на́ма та́ко? Се отецъ Тво́й и Аз боля́ще, иска́хом Тебе́?». И рече́ к нима́ Иисúс: «Что́ я́ко иска́ста Менé? Не вéста ли, я́ко в тех, я́же Отца́ Моего́, досто́ит Ми бы́ти?». Ты же, Пречи́стая, соблюдала еси́ глаго́лы сия́ в се́рдце Своём, вопи́ющи Бо́гу: **Аллилу́я.**

Икос 4

Услы́шала еси́, Мати́ Бóжия, я́ко Иисúс прохожда́ше всю Галиле́ю, уча́ на со́нмищах, проповéдуя Евáнгелие Ца́рствия и исцеля́я всяк недúт и всякую́ я́зву в лю́дех. И изы́де слух Его́ по всей странé, и приведóша к Немú́ вся боля́щия различными недúти и страстьми́, одержи́мыя бэсы и разсла́бленныя, и исцели́ их. Ты же, Мати́ Бóжия, вéдущи прорóчество, скорбя́щи се́рдцем, познава́ла еси́, я́ко вскóре приидёт час, егда́





**Сын Тво́й принесёт Себе́ в жёртву за грехи́
ми́ра. Те́мже ублажа́ем Тя, многоско́рбную
Ма́терь Бо́жию, вопи́юще:**

**Ра́дуйся, Сы́на Своего́ на служе́ние на-
ро́ду иуде́йскому отда́вшая; ра́дуйся,
ско́рбная се́рдцем, но покóрная во́ле Бо́-
жией.**

**Ра́дуйся, мир от пото́па грехо́внаго спáс-
шая; ра́дуйся, главу́ дре́вняго зми́я стéр-
шая.**

**Ра́дуйся, Себе́ в жёртву Бо́гу прине́сшая;
ра́дуйся, Госпо́дь с Тобо́ю, благослове́н-
ная.**

**Ра́дуйся, многоско́рбная Ма́ти Бо́жия, пе-
ча́ль на́шу в ра́дость претворя́ющая и серд-
ца́ злых челове́к умягча́ющая.**

Кондак 5

**Ца́рствие Бо́жие на земли́ пропове́дуя,
облича́ше Иису́с го́рдость фарисе́ев, мни́в-
ших себя́ пра́ведники бы́ти. Те́мже слы́ша-
ще при́гчи Его́, разуме́ша, я́ко о них глаго́-
лет, и иска́ша взя́ти Его́, но убо́яшася наро́-
да, поне́же я́ко проро́ка Его́ име́яху; сия́ вся́**



вѣдаючи, скорбѣше Богородица о Сыне
Своем возлюбленном, страшася, да не убь-
ют Его, в горести вопиюще Богу: **Аллилуиа.**

Икос 5

Видевше нецыи от иудей воскрешение
Лазаря, идоша к фарисеем и рекоша им, яже
сотвори Иисус; и рече им Каиафа, архиерей
сый лѣту тому: «Уне есть нам, да един чело-
век умрет за люди, а не весь народ погиб-
нет». И от сего дне совещаща, да убьют Его.
Мы же вопиѣм Ти, Пречистая:

Радуйся, Спасителя мира рождшая; ра-
дуйся, спасения нашего главизно.

Радуйся, от рождения в Матерь Спасу
нашему предызбранная; радуйся, Мати
Божия, обреченная на страдание.

Радуйся, благословенная, Царицею Не-
бесною соделавшаяся; радуйся, выну за
нас молящаяся.

Радуйся, многоскорбная Мати Божия, пе-
чаль нашу в радость претворяющая и серд-
ца злых человек умягчающая.



Кондак 6

Прéжде проповéдник слóва Бóжия, пóслежде же предáтель, Иúда Искарíoтский, еди́н от обоюна́дешате апóстолов, íде ко архиере́-ом предáти хотя́ Учи́теля своегó; онí же, слы́шавше, обра́довашася и обеща́ша ему́ срéбреники да́ти. Ты же, Богома́ти, скорбя́щи о Сы́не Своём возлю́бленном, вопия́ла еси́ го́рце Бóгу: Аллилу́иа.

Икос 6

Возсия́ла еси́ послéдняя вéчера учени́ком Христóвым, на нéйже Учи́тель умы́ но́зе им, о́браз смире́ния показу́я, и рече́ им: «Еди́н от вас преда́ст Мя, яды́й со Мнóю». Мы же, го́рю Ма́тери Бóжией сострада́я, вопие́м Ей:

Ра́дуйся, Ма́ти Бóжия, му́кой серде́чной истомле́нная; ра́дуйся, вся претерпе́вшая во юдо́ли сей многоско́рбней.

Ра́дуйся, в моли́тве успокоéние находив́шая; ра́дуйся, всех скорбя́щих ра́досте.

Ра́дуйся, утоле́ние на́ших печáлей; ра́дуйся, из ти́ны грехо́вныя нас спаса́ющая.



Ра́дуйся, многоско́рбная Ма́ти Бо́жия, печáль на́шу в ра́дость претворя́ющая и серде́ца злых челове́к умягча́ющая.

Кондак 7

Хотя́й яви́ти любо́вь Свою́ к ро́ду челове́ческому, Госпо́дь наш Иису́с Хри́сто́с на Та́йней Ве́чери, благослови́в и преломи́в хлеб, даде́ Свои́м ученико́м и апо́столом, рек: «Приими́те, яди́те, си́е есть Те́ло Моё» и, прие́м ча́шу и хвалу́ возда́в, даде́ им, глаго́ля: «Си́я есть Кро́вь Моя́ Но́ваго Завета́, я́же за мно́гия излива́емая во оставле́ние грехо́в». Благодаря́ще ми́лостиваго Бо́га за милосе́рдие Его́ к нам неизрече́нное, поём Ему: **Аллилу́иа.**

Икос 7

Но́вое зна́мение ми́лости Своея́ яви́ Госпо́дь ученико́м Свои́м, обеща́я им посла́ти ина́го Уте́шителя – Ду́ха и́стины, И́же от Отца́ исхо́дит, да сви́детельствует о Нем. Тебе́ же, Ма́тери Бо́жией, па́ки освяще́нной Ду́хом Святы́м в день Пя́тьдеса́тницы, вопие́м си́це:



Ра́дуйся, Ду́ха Свята́го обита́лище; ра́дуйся, черто́же всесвяты́й.

Ра́дуйся, пространное селéние Бо́га Сло́ва; ра́дуйся, бисер Божéственный произвédшая.

Ра́дуйся, рождество́м Твои́м райския двéри нам отверза́ющая; ра́дуйся, зна́мение мило́сти Бо́жией нам Собо́ю явívшая.

Ра́дуйся, многоско́рбная Ма́ти Бо́жия, печа́ль на́шу в ра́дость претворя́ющая и сердца́ злых челове́к умягча́ющая.

Кондак 8

Стра́нно и приско́рбно нам слы́шати, я́ко лобза́нием предаде́ Учи́теля свое́го и Го́спода Иу́да Искарйо́тский. Спи́ра же и ты́сящник и слуги иудéйския взя́ша Иису́са и связа́ша Его́, и ведо́ша к первосвященнику́ А́нне пёрвее, посéм же к Каиа́фе архиере́ови. Ма́терь же Бо́жия, сме́ртнаго сове́та на Сы́на Сво́его возлю́бленнаго ожида́я, вопия́ла Бо́гу: **Аллилу́иа.**



Икос 8

Все иудеи ведоша Иисуса от Каиафы в претор к Пилату, глаголюще Его злодеем быти. Пилат же вопроси Его и глагола им, яко ни единыя вины обретает в Нем. Мы же Матери Божией, поношения Сына Своего видящей, умильно вопиём:

Радуйся, сердце, горем истёрзанное, имевшая; радуйся, слёзы о Сыне Своём проливавшая.

Радуйся, Чадо Своё любимое на судилище преданное зрешая; радуйся, вся претерпевшая без ропота, яко раба Господня.

Радуйся, стелющая и рыдающая; радуйся, Царице небес и земли, приемлющая молитвы раб Своих.

Радуйся, многоскорбная Мати Божия, печаль нашу в радость претворяющая и сердца злых человек умягчающая.

Кондак 9

Вси роди блажат Тя, честнейшую Херувим и славнейшую без сравнения Серафим,



Владычицу и Матерь Избавителя нашего, рождеством Своим радость всему миру принесшую, послежде скорбь велию имевшую, видящи Сына Своего возлюбленного на поругание, биение и смерть преданного. Мы же умиленное пение приносим Ти, Пречистая, вопиюще всемогущему Богу: Аллилуиа.

Икос 9

Ветия многовещанныя не возмогут изрещи всех страданий, Тобою перенесенных, Спасе наш, егда воины сплетише венец из терния и возложивше на главу Твою, и в ризу багряну облекше Тя, глаголаху: «Радуйся, Царю Иудейский» и бяху Тя по ланитома. Мы же, Мати Божия, страдания Твоя познавая, вопием Ти:

Радуйся, Сына Своего биенного зрешая; радуйся, багрянницею и терновым венцем одеянного зрешая.

Радуйся, Егоже млекоу Своим питала еси, терзаемаго видевшая; радуйся, страданием Его спострадавшая.

Радуйся, всеми ученики Его оставленна-



го видевшая; радуйся, неправедными судиями Его осужденнаго зревшая.
Радуйся, многоскорбная Мати Божия, печаль нашу в радость претворяющая и сердца злых человек умягчающая.

Кондак 10

Спасти хотя Иисуса, рече Пилат иудеем: «Есть обычай в праздник Пасхи отпустить единого на смерть осужденнаго. Хотите ли убо, да отпущу вам Царя Иудейскаго?». Но вси возопиша, глаголюще: «Не Сего, но Варавву!». Прославляюще милосердие Отца Небеснаго, иже тако возлюбил мир, яко Сына Своего Единороднаго отдал есть на крестную смерть, да искупит ны от вечныя смерти, вопием Ему: **Аллилуиа.**

Икос 10

Стена и ограждение буди нам, Владычице, изнемогающим от скорби и болезни. Ты бо и Сама страдала еси, слышаши иудеев вопиющих: «Распни, распни Его!». Ныне же услыши нас, вопиющих Ти:



**Ра́дуйся, Ма́ти милосе́рдия, отъе́млющая
всякую слезу́ от лю́те стра́ждущих; ра́-
дуйся, слезу́ умиле́ния нам подаю́щая.**

**Ра́дуйся, погиба́ющих греше́тников спаса́-
ющая; ра́дуйся, предста́тельство христи-
а́н непосты́дное.**

**Ра́дуйся, от страсте́й нас избавля́ющая;
ра́дуйся, се́рдцу сокруше́нному отра́ду
подаю́щая.**

**Ра́дуйся, многоско́рбная Ма́ти Бо́жия, пе-
ча́ль на́шу в Ра́дость претворя́ющая и серд-
ца́ злых челове́к умягча́ющая.**

Кондак 11

**Пе́ние всеумиле́нное Спаси́телю ми́ра
принóсим, на во́льное страда́ние шедшему и
Крест Сво́й не́сшему. Во́ины же, прише́дше
на Голго́фу, пропя́ша Его́. Стоя́ху при крес-
те́ Иису́сове Ма́ти Его́, Мари́я Клео́пова и
Мари́я Магдали́на. Иису́с же, ви́дев Ма́терь
и ученика́ стоя́ща, его́же любля́ше, глаго́ла
Ма́тери Своёй: «Же́но, се сын Тво́й!» потóм
глаго́ла ученику́: «Се Ма́ти тво́я!». И от того́
часá поя́т Ю́ учени́к во своя́ си. Ты же, Ма́-**



ти Бóжия, обезчѣщенна видящи на крестѣ Сына и Гóспода, терзáлася еси́, вопи́ючи гóрце Бóгу: Аллилу́иа.

Икос 11

«Сы́не Мо́й и Бóже предвѣчный, Тво́рче всех тва́рей, Гóсподи! Ка́ко тѣрпиши на крестѣ стра́сть, — чистая Дѣва, пла́чуши, глаго́лаше. — О стра́шнем Твоѣм рождествѣ, Сы́не Мой, па́че всех ма́терей возвели́чена бых, но увы́ Мне: ны́не Тя видящи, распалѣюся утробóю». Мы же, слѣзы пролива́юще и Тебѣ внѣмлюще, вопи́ем Ти:

Ра́дуйся, радости и весѣлия лишѣнная; радуйся, во́льная страда́ния Сы́на Своего́ на крестѣ видѣвшая.

Ра́дуйся, Ча́до Своѣ возлю́бленное уязвленным зрѣвшая; радуйся, А́гнца, на заклáние ведóмага, Ма́ти.

Ра́дуйся, Избáвителя язв душе́вных и телѣсных язвами покры́таго видѣвшая; радуйся, Сы́на Своего́ воскрѣсшаго из мѣртвых зрѣвшая.



Ра́дуйся, многоско́рбная Ма́ти Бо́жия, печáль на́шу в ра́дость претворя́ющая и серде́ца злых челове́к умягча́ющая.

Кондак 12

Благода́ть пода́ждь нам, Спа́се Всеми́лостивый, на кресте́ Дух Сво́й испусти́вый и согреше́ний на́ших рукописа́ние растерза́вый. «Се, све́те Мой сла́дкий, наде́ждо и живо́те Мой благий, Бо́же Мой, угасл еси́ на кресте́», — Де́ва, стеля́щи, глаго́лаше. Потщи́ся, Ио́сифе, к Пилáту присту́пíti и проси́ егó сняти с дрéва Учи́теля Своего́ уязвленнаго: «Да́ждь ми Сего́ страна́го, И́же не и́мать где главы́ преклонíti». Богома́терь же, ви́девши Сы́на Своего́ безсла́вна, на́га на дрéве, возопи́: «Увы́ Мне, Ча́до Моё, увы́ Мне, све́те Мо́й, ду́шу про́йде Мне ору́жие по рече́нию пра́веднаго ста́рца Симео́на». Мы же, Пречи́стей Де́ве состра́ждуще, вопи́ем Бо́гу: Аллилу́иа.

Икос 12

Пою́ще милосе́рдие Твое́, Человеколю́бче, покланя́емся бога́тству ми́лости Твоея́,



Владыко. «Созд́ание Твое́ спасти́ хот́я, смерть подъя́л еси́», — рече́ Пречи́стая, но воскрес́ением Твои́м, Спа́се, поми́луй всех нас. Мы же Богоро́дице, о нас моля́щейся, вопи́ем:

Ра́дуйся, ме́ртваго зря́щая, бездыха́нна преблагáго Го́спода; ра́дуйся, лобза́вшая те́ло Сы́на Своего́ возлю́бленнаго.

Ра́дуйся, Све́та Своего́ сла́дкаго на́га и уязвленнаго мертвеца́ зр́евшая; ра́дуйся, Сы́на Своего́ грóбу преда́вшая.

Ра́дуйся, плащани́цею но́вою Те́ло Его́ обви́вшая; ра́дуйся, воскр́сшим Его́ ви́девшая.

Ра́дуйся, многоско́рбная Ма́ти Бо́жия, печа́ль на́шу в ра́дость претворя́ющая и сердца́ злых челове́к умягча́ющая.

Кондак 13

О Всепе́тая Ма́ти, изнемога́ющая от ско́рби у Креста́ Сы́на Своего́ и Бо́га! Внѣмли воздыха́нием и слезáм на́шим, умягчи́ зла́я сердца́, восстаю́щая на нас, изба́ви от ско́рби, болѣзней и вѣчныя сме́рти всех упова́ю-



щих на неизреченное Твое милосердие и
вопиющих Богу: **Аллилуиа.**

(Этот кондак читается трижды).

Икос 1

А́нгел, возвестивый па́стырем Вифле́емским о рождестве́ Спаси́теля ми́ра, и с ним мно́жество небесных сил восхва́лиша Бо́га, пою́ще: «Сла́ва в вы́шних Бо́гу и на землі́ мир, в челове́цех благоволе́ние». Ты же, Ма́ти Бо́жия, не имевшая где главу́ прекло́нити, зане́ не бе ме́ста во оби́телех, роди́ла Сы́на Своего́ Пе́рвенца в верте́пе и, повив́ Его́ пелена́ми, положи́ла в я́слех. Те́мже, ско́рбь се́рдца Твоего́ познава́я, вопи́ем Ти: Ра́дуйся, дыха́нием Свои́м Сы́на Своего́ возлю́бленнаго согре́вшая; ра́дуйся, предвечнаго Младенца пелена́ми повив́шая. Ра́дуйся, Носи́теля вселенны́я млеко́м Свои́м пита́вшая; ра́дуйся, верте́п в небо обрати́вшая. Ра́дуйся, престо́л херуви́мский соде́лав-



шаяся; радуйся, в рождествѣ и по рождествѣ Дѣвою пребывшая.

Радуйся, многоскорбная Мати Божия, печаль нашу в радость претворяющая и сердца злых человек умягчающая.

Кондак 1

Избранной Деве Марии, превысшей всех дщерей земли, Матери Сына Божия, Ёюже даётся спасение мира, со умилением взываем: воззри на многоскорбное житие наше, вспомяни скорби и болѣзни, ихже претерпѣла еси, яко наша земнородная, и сотвори с нами по милосердию Твоему, да зовѣм Ти: **Радуйся, многоскорбная Мати Божия, печаль нашу в радость претворяющая и сердца злых человек умягчающая.**


Молитва

О многоскорбная Мати Божия, умягчение злых сердец и превысшая всех дщерей по чистотѣ Своей и по страданію, на земли Тобою перенесенному! Услыши воздыханія наша и



умягчи́ сердца́ злыхъ человекъ, востаю́щихъ на ны, и сохрани́ ны под кро́вом Твоея́ мѣлости. Ино́го бо прибѣжища и тѣлаго предстѣтельства, рѣзве Тебѣ́, не ве́мы. Но, яко дерзнове́ние иму́щи ко Иже от Тебѣ́ рождѣнному, помози́ и спаси́ моли́твами Свои́ми, да непреткнове́нно дости́гнем Цѣрствія Небѣснаго, иде́же со все́ми святы́ми бу́дем воспѣвати́ трисвятую́ пѣснь в Тро́ице Еди́ному Бо́гу всегда́, ны́не и прѣсно и во ве́ки веко́в.

АМИ́НЬ.



Тропарь, глас 5

Умягчи наша злая сердца,
Богородице, и напасти ненавидящих нас
угаси, и всякую тесноту души нашей
разреши; на Твоем бо святом образе
взирающе, твоим страданием и
милосердием о нас умиляемся и раны Твоя
лобызаем, стрел же наших, Тя терзающих,
ужасаемся. Не даждь нам, Мати
благосердая, в жестокосердии нашем и от
жестокосердия ближних погибнути, ты бо
еси констину злых сердец умягчение.